

青春的诗句

1.
江海相逢客恨多，秋风叶下洞庭波。酒酣夜别淮阴市，月照高楼一曲歌。
——温庭筠《赠少年》
- 2.绿杨芳草长亭路。年少抛人容易去。——晏殊《玉楼春·春恨》
- 3.劝君莫惜金缕衣，劝君惜取少年时。——杜秋娘《金缕衣》
4.
少年怪我问如何，何事朝朝醉复歌。号作乐天应不错，忧愁时少乐时多。
——白居易《少年问》
- 5.过眼年华，动人幽意，相逢几番春换。——王沂孙《法曲献仙音》
6.
击筑饮美酒，剑歌易水湄。经过燕太子，结托并州儿。少年负壮气，奋烈自有时。
因击鲁勾践，争博勿相欺。——李白《少年行》
7.
明朝万一西风动，争向朱颜不耐秋。——晏几道《鹧鸪天守得莲开结伴游》
8.
层绿峨峨，纤琼皎皎，倒压波痕清浅。过眼年华，动人幽意，相逢几番春换。
记唤酒寻芳处，盈盈褪妆晚。已销黯。况凄凉、近来离思，应忘却、明月夜深归鞚。
荏苒一枝春，恨东风、人似天远。纵有残花，洒征衣、铅泪都满。但殷勤折取，
自遣一襟幽怨。——王沂孙《法曲献仙音·聚景亭梅次草窗韵》

9.
落日塞尘起，胡骑猎清秋。汉家组练十万，列监耸高楼。谁道投鞭飞渡，忆昔鸣髀血污，风雨佛狸愁。季子正年少，匹马黑貂裘。今老矣，搔白首，过扬州。倦游欲去江上，手种橘千头。二客东南名胜，万卷诗书事业，尝试与君谋。莫射南山虎，直觅富民侯。——辛弃疾《水调歌头·舟次扬州和人韵》

10.
壮岁从戎，曾是气吞残虏。阵云高、狼烽夜举。朱颜青鬓，拥雕戈西戍。笑儒冠、自来多误。功名梦断，却泛扁舟吴楚。漫悲歌、伤怀吊古。烟波无际，望秦关何处。叹流年、又成虚度。——陆游《谢池春·壮岁从戎》

11.
十载名兼利，人皆与命争。青春留不住，白发自然生。夜雨滴乡思，秋风从别情。都门五十里，驰马逐鸡声。——杜牧《送友人》

12.及时当勉励，岁月不待人。——陶渊明《杂诗·人生无根蒂》

13.
花门楼前见秋草，岂能贫贱相看老。——岑参《凉州馆中与诸判官夜集》

14.
眼意心期卒未休，暗中终拟约秦楼。光阴负我难相遇，情绪牵人不自由。遥夜定嫌香蔽膝，闷时应弄玉搔头。樱桃花谢梨花发，肠断青春两处愁。——韩偓《青春》

15.
雨打梨花深闭门，辜负青春，虚负青春。——唐寅《一剪梅·雨打梨花深闭门》

16.
谁道人生无再少？门前流水尚能西！休将白发唱黄鸡。——苏轼《浣溪

沙》

17.

春事到清明，十分花柳。唤得笙歌劝君酒。酒如春好，春色年年如旧。青春元不老，君知否。席上看君，竹清松瘦。待与青春斗长久。三山路归，明日天香襟袖。更持银盏起，为君寿。——辛弃疾《感皇恩·春事到清明》

18.季子正年少，匹马黑貂裘。——辛弃疾《水调歌头》

19.

觥船一棹百分空，十岁青春不负公。今日鬢丝禅榻畔，茶烟轻飏落花风。——杜牧《题禅院》

20.泥落画梁空，梦想青春语。——吴文英《生查子》

21.

白发悲明镜，青春换敝裘。——岑参《武威春暮闻武判官西使还已到晋昌》

22.

异乡流落频生子，几许悲欢并在身。欲并老容羞白发，每看儿戏忆青春。未知门户谁堪主，且免琴书别与人。何幸暮年方有后，举家相对却沾巾。——刘长卿《戏题赠二小男》

23.

西城杨柳弄春柔。动离忧。泪难收。犹记多情，曾为系归舟。碧野朱桥当日事，人不见，水空流。韶华不为少年留。恨悠悠。几时休。飞絮落花时候、一登楼。便做春江都是泪，流不尽，许多愁。——秦观《江城子·西城杨柳弄春柔》

24.

怒发冲冠，凭栏处、潇潇雨歇。抬望眼，仰天长啸，壮怀激烈。三十功名尘与土，八千里路云和月。莫等闲，白了少年头，空悲切！——岳飞

《满江红》

25.

壮岁旌旗拥万夫，锦襜突骑渡江初。燕兵夜娖银胡觥，汉箭朝飞金仆姑。追往事，叹今吾，春风不染白髭须。却将万字平戎策。换得东家种树书。——辛弃疾《鹧鸪天·有客慨然谈功名因追念少年时事戏作》

26.壮岁从戎，曾是气吞残虏。——陆游《谢池春》

27.

风风雨雨梨花，窄索帘栊，巧小窗纱。甚情绪灯前，客怀枕畔，心事天涯。三千丈清愁鬓发，五十年春梦繁华。蓦见人家，杨柳分烟，扶上檐牙。——乔吉《折桂令·客窗清明》

28.旧游无处不堪寻。无寻处，惟有少年心。——章良能《小重山》

29.

西楼月下当时见，泪粉偷匀，歌罢还颦，恨隔炉烟看未真。别来楼外垂杨缕，几换青春，倦客红尘，长记楼中粉泪人。——晏几道《采桑子》

30.

白发悲明镜，青春换敝裘。——岑参《武威春暮闻宇文判官西使还已到晋昌》

31.

故人栖东山，自爱丘壑美。青春卧空林，白日犹不起。松风清襟袖，石潭洗心耳。羡君无纷喧，高枕碧霞里。——李白《题元丹丘山居》

32.

休对故人思故国，且将新火试新茶。诗酒趁年华。——苏轼《望江南·超然台作》

33.

银床淅沥青梧老，麝粉秋蛩扫。采香行处蹙连钱，拾得翠翘何恨不能言

。回廊一寸相思地，落月成孤倚。背灯和月就花阴，已是十年踪迹十年心。——纳兰性德《虞美人·银床淅沥青梧老》

34.乍见翻疑梦，相悲各问年。——司空曙《云阳馆与韩绅宿别》

35.

如今却忆江南乐，当时年少春衫薄。骑马倚斜桥，满楼红袖招。翠屏金屈曲，醉入花丛宿。此度见花枝，白头誓不归。——韦庄《菩萨蛮》

36.

白日不到处，青春恰自来。苔花如米小，亦学牡丹开。——袁枚《苔》

37.渐老多忧百事忙，天寒日短更心伤。——李觏《秋晚悲怀》

38.

葛岭花开二月天，游人来往说神仙。老夫心与游人异，不羨神仙羨少年。——袁枚《湖上杂诗》

39.一身报国有万死，双鬓向人无再青。——陆游《夜泊水村》

40.

故人江海别，几度隔山川。乍见翻疑梦，相悲各问年。孤灯寒照雨，湿竹暗浮烟。更有明朝恨，离杯惜共传。——司空曙《云阳馆与韩绅宿别》

41.人老去西风白发，蝶愁来明日黄花。——张可久《折桂令》

42.

山下兰芽短浸溪，松间沙路净无泥，潇潇暮雨子规啼。谁道人生无再少？门前流水尚能西！休将白发唱黄鸡。——苏轼《浣溪沙·游蕲水清泉寺》

43.

阿冕今年已十三，耳边垂发绿鬟鬟。好亲灯光研经史，勤向庭闱奉旨甘

。衔命年年巡塞北，思亲夜夜想江南。题诗寄汝非无意，莫负青春取自惭。——于谦《示冕》

44.

春未绿，鬓先丝。人间别久不成悲。——姜夔《鹧鸪天·元宵有所梦》

45.

昔日龌龊不足夸，今朝放荡思无涯。春风得意马蹄疾，一日看尽长安花。——孟郊《登科后》

46.雨打梨花深闭门，忘了青春，误了青春。——唐寅《一剪梅》

47.去国十年老尽、少年心。——黄庭坚《虞美人》

48.

天涯也有江南信。梅破知春近。夜阑风细得香迟。不道晓来开遍、向南枝。玉台弄粉花应妒。飘到眉心住。平生个里愿杯深。去国十年老尽、少年心。——黄庭坚《虞美人·宜州见梅作》

49.

秋风清，秋月明，落叶聚还散，寒鸦栖复惊。相思相见知何日？此时此夜难为情！入我相思门，知我相思苦，长相思兮长相忆，短相思兮无穷极，早知如此绊人心，何如当初莫相识。——李白《三五七言·秋风词》

50.

雪照山城玉指寒，一声羌管怨楼间。江南几度梅花发，人在天涯鬓已斑。星点点，月团团。倒流河汉入杯盘。翰林风月三千首，寄与吴姬忍泪看。——刘著《鹧鸪天·雪照山城玉指寒》

51.

腰间羽箭久凋零，太息燕然未勒铭。老子犹堪绝大漠，诸君何至泣新亭。一身报国有万死，双鬓向人无再青。记取江湖泊船处，卧闻新雁落寒汀。——陆游《夜泊水村》

52.

时竟夕澄霁，云归日西驰。密林含馥清，远峰隐半规。久痾昏垫苦，旅馆眺郊歧。泽兰渐被径，芙蓉始发迟。未厌青春好，已睹朱明移。戚戚感物叹，星星白发垂。药饵情所止，衰疾忽在斯。逝将候秋水，息景堰旧崖。我志谁与亮？赏心惟良知。——谢灵运《游南亭》

53.

得即高歌失即休，多愁多恨亦悠悠。今朝有酒今朝醉，明日愁来明日愁。——罗隐《自遣》

54.

忆年十五心尚孩，霜雪无端入鬓长。——序灯《九日吴山宴集值雨次韵》

55.

咬定青山不放松，立根原在破岩中。千磨万击还坚劲，任尔东西南北风。——郑燮《竹石》

56.

风前欲劝春光住。春在城南芳草路。未随流落水边花，且作飘零泥上絮。镜中已觉星星误。人不负春春自负。梦回人远许多愁，只在梨花风雨处。——辛弃疾《玉楼春·风前欲劝春光住》

57.

青春几何时，黄鸟鸣不歇。天涯失乡路，江外老华发。心飞秦塞云，影滞楚关月。身世殊烂漫，田园久芜没。岁晏何所从？长歌谢金阙。——李白《江南春怀》

58.洛阳城里春光好，洛阳才子他乡老。——韦庄《菩萨蛮》

59.秋鬓含霜白，衰颜倚酒红。——尹式《别宋常侍》

60.万事一身伤老矣，戎葵凝笑墙东。——陈与义《临江仙》

61.

好花难种不长开，少年易老不重来；人生不向花前醉，花笑人生也是呆。
——唐寅《花下酌酒歌》

62.况是青春日将暮，桃花乱落如红雨。——李贺《将进酒》

63.

桃李待日开，荣华照当年。东风动百物，草木尽欲言。枯枝无丑叶，涸水吐清泉。大力运天地，羲和无停鞭。功名不早著，竹帛将何宣。桃李务青春，谁能赏白日。富贵与神仙，蹉跎成两失。金石犹销铄，风霜无久质。畏落日月后，强欢歌与酒。秋霜不惜人，倏忽侵蒲柳。——李白《长歌行》

64.

韶华不为少年留。恨悠悠。几时休。——秦观《江城子·西城杨柳弄春柔》

65.盛年不重来，一日难再春。——陶渊明《杂诗人生无根蒂》

66.

琉璃钟，琥珀浓，小槽酒滴真珠红。烹龙炮凤玉脂泣，罗屏绣幕围香风。吹龙笛，击鼙鼓。皓齿歌，细腰舞。况是青春日将暮，桃花乱落如红雨。劝君终日酩酊醉，酒到刘伶坟上土。——李贺《将进酒·琉璃钟》

67.忆年十五心尚孩，健如黄犊走复来。——杜甫《百忧集行》

68.

宠辱不惊，闲看庭前花开花落；去留无意，漫观天外云卷云舒。——洪应明《菜根谭》

69.

少年易老学难成，一寸光阴不可轻。未觉池塘春草梦，阶前梧叶已秋声。
——朱熹《偶成》

70.

老夫聊发少年狂，左牵黄，右擎苍。锦帽貂裘，千骑卷平冈。为报倾城随太守，亲射虎，看孙郎。酒酣胸胆尚开张。鬓微霜，又何妨！持节云中，何日遣冯唐？会挽雕弓如满月，西北望，射天狼。——苏轼《江城子·密州出猎》

71.

男儿何不带吴钩，收取关山五十州。请君暂上凌烟阁，若个书生万户侯？——李贺《南园十三首·其五》

72.

花似伊，柳似伊。花柳青春人别离。低头双泪垂。长江东，长江西。两岸鸳鸯两处飞。相逢知几时。——欧阳修《长相思》

73.

击石乃有火，不击元无烟。人学始知道，不学非自然。万事须已运，他得非我贤。——孟郊《劝学》

74.莫见长安行乐处，空令岁月易蹉跎。——李颀《送魏万之京》

75.

游蕲水清泉寺，寺临兰溪，溪水西流。山下兰芽短浸溪，松间沙路净无泥，潇潇暮雨子规啼。谁道人生无再少？门前流水尚能西！休将白发唱黄鸡。——苏轼《浣溪沙·游蕲水清泉寺》

76.

客从东方来，衣上灞陵雨。问客何为来，采山因买斧。冥冥花正开，颺颺燕新乳。昨别今已春，鬓丝生几缕。——韦应物《长安遇冯著》

本文链接：<https://duanjuziku.com/duanjuzi/uh1hbdskir.html>